

Inatsisartunut isummerfigisassatut siunnersuut, Naalakkersuisut peqquneqassasut malittarisassanik pilersitseqqullugit, inuussutissarsiutinut ilinniarfinni ingerlariaqqiffinnilu ilinniartunut periarfissaalissasoq misilitseqqinnissaq karakterit qaffassarnissaat siunertaralugu

(Inatsisartunut ilaasortaq Nivi Olsen, Demokraatit)

Akissuteqaat

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Inatsisartut aalajangiiffigisassaattut siunnersuuteqartoq Inatsisartunut ilaasortaq Nivi Olsen, Demokraatit siunnersuuteqarneranut Naalakkersuisut sinnerlugit qutsavigaara.

Aallarniutigalugu eqqaaneqassaaq qaffasinnerusumik ilinniakkani ilinniartooq soraarummeernermi angusinnitsoortoqaraangat nalinginnaasumik soraarummeeqqinneq pisarmat, taamaattumillu misileeqqilluni soraarummeeqqissinnaavoq.

Siunnersuulli ilinniartunut soraarummeernermi angusisimasunut tunngatinneqarpoq. Tassa qaffasinnerusumik ilinniakkami ilinniartup takutereersimavaa ilinniartitsissutigineqartumi piunasaqaataasut pingaartutigut piginnaasaqarfignersimallugit, pitsaanagerusumillu angusaqarfignersinnaallugit naatsorsuutigisinnalersimallugu.

Taamatulli pisoqartillugu soraarummeeqqinnermi karakteri qaffasinnerusoq qularnaareerneqarsinnaanngilaq, kiisalu soraarummeeqqinneq ilinniartitsissutigineqarsimasumut angusinnitsoornermik kinguneqarsinnaavoq.

Aamma ilinniartunut ilinniartitsissutigineqartumut angusereersimasunut soraarummeeqqinnermik neqerooruteqarnissaq allanik akorngutissanik ilaqarpoq.

Soraarummeeqqinnermik tamanut neqerooruteqarnikkut sunniutissaq ajortoq tassaavoq, qaffasinnerusumik ilinniakkani ilinniartut ataasiakkaat soraarummeernerneq piginnaasaminnik pitsaanagerpaamik iluaquteqanngitsoortarnissaat, tassami soraarummeeqqissinnaaneq periarfissaajuaannassamat.

Ilanngullugu taaneqartutut soraarummeeqqinnermi ilinniartitsissummi angusiffigeriikkami angusinnitsoornissaq periarfissaajuartussaavoq.

Ilinniartunut angusereersimasunut soraarummeeqqinnerup suliffeqarnermi sulisussaaleqiffiusunut ilanngunnissaq kinguarsassavaa. Suliffeqarnermi ilinniarsimasunik assut pisariaqartitsiffiusumi suliffissamik qinnuteqarnermi karakterit ataasiakkaat pingaaruteqanngillunnarlutillu ilaatigut minnerusumik pingaaruteqarput. Ilinniartitsissummik angusisimaneq pingaarnerpaajusarpoq.

Sulinermik misilittagaqarneq aamma inuttut pissuserisaq aamma pingartinneqarnerusarput.

Kiisalu ilinniartunik ilinniakkani ilinniartunik soraarummeersitseqqinnerit ilinniarfinni isumalluutunik atuineq annertusassavaat. Atortussanut allaffissornermullu,

minnerunngitsumillu censorip ilinniartitsisullu soraarummeersitseqqinnermi piffissamik atuinissaannut.

Soraarummeernerli amerlasuunut unammilligassaqartarmat Naalackersuisut siunnersuuteqartoq tassuuna isumaqatigaat, kissaatigisatullu qaffasissumik karaktereqanngitsoornermik kinguneqarsinnaasarmat pakatsiffiusinnaasarpoq.

Qaffasinnerusumik ilinniakkani ilinniartunut soraarummeernermi annilaanganermit coachimik psykologimilluunniit peqateqarnissaq oqaloqateqarnissaq. AQQUT – Nuna tamakkerlugu ilitersuisarfik – soraarummeernermi annilaangasartunut ersisartunullu arlalinnik assigiinngitsunillu neqerooruteqarpoq.

Soraarummeernermi annilaangasoqartaraluartoq ilinniartitsisoq censorilu soraarummeernermi annilaangasunut amerlanertigut misilittagaqarluartarput, malugisinnaasarpaallu soraarummeertup ilinniagassatut nalunaarutigineqarsimasut paasisimaneeraat.

Taamaattumik annilaangalluni soraarummeernermi takutitsinerlunnermik misigisaqarfiusumit qaffasinnerusumik karakteriliisinnaasarput.

Qaffasinnerusumik ilinniakkanut naleqqiullugu, inuussutissarsiutinik ilinniartitsinerni amerlanngitsuinnarni aalajangersimasumik karaktereqarnissaq piumasaqaataasarmat e-GUX-imi ilassutissatut ilinniartitsissutissanik toqqaanissamut periarfissaqarpoq.

Tassani ilinniartinneqarsinnaapput piginnaasaminnillu qaffassaasinnaapput nangitsillutik ilinniagaqarsinnaangorlutik. Taamaattumik angusereersimasunut soraarummeersitseqqinnissamut tunngavilersuutit saqqummiunneqartut pillugit, qanoq tunngavilersuinissaq ajornaatsuinnaangilaq.

Tamanna tunngavigalugu Naalackersuisut matumuuna imaattumik allannguutissatut siunnersuusiortut:

“Ilinniarfinni ilinniartut misilitseqqinnermikkut karateriminnik qaffassaasinnaanerannik periarfissiinissaq siunertaralugu Naalackersuisut periarfissanik misissuillutik nalunaarusiornissaat siunertaralugu Inatsisartut aalajangiiffigisassaattut siunnersuut”.